

爲菩薩行忍辱時第三魔事

又復世尊菩薩行精進波羅蜜多時發起精

進化度聲聞緣覺乘人亦復化度大乘中人

但爲聲聞緣覺乘人相續說法返以大乘之

法化諸愚人此下據梵本標列文義次第於有上三段半少下八段半於佛說十種破魔法門中上有下四段闕上六段既楚本脫落

補之此爲第六破魔法門

復次海意一切法自性無染以無染相化度

染汙衆生此爲第七破魔法門

復次海意一切法自性無生無起以無生無起相爲諸衆生宣說斷除生老病死之法此爲第八破魔法門復次海意諸法自性同於

一味而無差別以一味無差別相建立三乘各爲說法令諸衆生亦不捨離大乘意樂此爲第九破魔法門復次海意若菩薩心意識雖無所依著而常不忘失大菩提心雖離諸發起然不捨離解脫一切衆生之心雖超越諸行而亦成辦菩薩勝行此爲第十破魔

法門海意如是十種破魔決門若諸菩薩勤行修習者即當超越一切魔事

十四

海意菩薩所問淨印法門經卷第十六

皇六

鄒植炙嬪婢反賓捷才葉鉤式反亮搏取圓音炬其反呂嬉詩反

海意菩薩所問淨印法門經卷第十七

皇九

中華藏經委員會譯文

爾時世尊說是破魔法門時一切魔宮悉皆暗暝六種震動如佛初坐菩提道場未成正覺居菩薩位爾時眉間放大光明而諸魔宮亦皆暗暝同於今日等無有異

一

纂

是時諸惡魔衆見斯廣大變異之相遠疾嚴整於四兵衆猶如往昔詣菩提場所莊嚴相今者亦然領四兵衆廣三十六由旬皆悉徧滿來至世尊大寶莊嚴大集會所以佛世尊威神力故而悉不能還復魔宮又佛神力魔衆來時或見餘諸刹土有佛世尊與不退轉

諸菩薩衆化度衆生及斷諸有結證阿羅漢者或有正見具足補特伽羅

爾時世尊告海意菩薩言海意汝今見此諸惡魔衆如是莊嚴來衆會不海意白佛言出尊唯然已見佛言海意是諸魔衆至此會中於我正法欲興難事而汝今者當何所爲海

意白言世尊我今以此惡魔之衆置於他方諸樂莊嚴世界之中

爾時會中尊者舍利子即白海意菩薩言善哉大士諸樂莊嚴世界爲在何所其佛說法復何名字海意菩薩言尊者舍利子東方去此佛刹過十二碗伽沙數等國土有世界名

諸樂莊嚴其土有佛號曰摧魔如來應供正等正覺見在說法以何緣故而此世界名諸樂莊嚴尊者謂彼世界有諸樂事諸功德事諸莊嚴事若廣宣說彼勝妙事縱一劫中說不能盡以是緣故其世界名諸樂莊嚴又其佛號摧魔如來應供正等正覺者謂彼世尊

初坐菩提道場居菩薩位未證一切暫時身放光明普照諸魔其光所照彼魔界中百俱胝魔衆而一一魔各有千俱胝眷屬是時諸魔詣菩薩所欲於菩薩興諸難事而此菩薩威神力故其魔不能作諸障難即時各發希有之心向彼菩薩歸依頂禮菩薩即爲如應

說法魔聞法已深心清淨即發阿耨多羅三藐三菩提心其後彼佛證道果已是故立名摧魔如來又復彼佛於過去世莊嚴劫中居菩薩位時名降伏魔今此賢劫之中得菩提已能令諸魔發菩提心而爲承事其佛但爲諸善薩衆唯說最上大乘之法無復二乘之

名尊者是故我今置此魔衆往彼諸樂莊嚴世界之中置於彼已使諸魔衆不復興於魔之事業於彼佛刹與其降伏魔菩薩同發菩提心已圓滿菩提分法

爾時諸惡魔衆聞是語已生大驚怖身毛悚

能隱蔽其身而極增懼即各向佛歸依頂禮作是白言救我世尊救我善逝無令海意善薩置我於彼世界之中

爾時佛告諸魔衆言汝等諸魔勿生驚怖菩薩大士於諸衆生不起燒害汝等應當自於海意菩薩之前求忍悔謝必當爲汝善作救

護爾時魔衆即各合掌向海意菩薩稽首白言我今悔謝大士忍可勿置我於諸樂莊嚴世界之中如我所作不復第二往彼衆會海意菩薩言諸魔當知我今於汝無復可忍何以故菩薩於一切衆生究竟常忍汝等諸魔今宜往彼諸樂莊嚴世界之中觀彼世界衆莊嚴事彼摧魔如來於汝魔衆無所燒害

爾時海意菩薩即舒右臂金色晃耀安於魔頂而爲加持作如是言若法真實此真實語諸菩薩者於法無慳亦無祕吝以此真實語故如我所有如是神力令此魔衆皆悉獲得海意菩薩作是語已而諸魔衆即得自在神

力具足爾時此三千大千世界六種震動而諸魔衆於此會中隱身不現於須臾頃到彼諸樂莊嚴世界之中皆是海意菩薩加持力故是時魔衆到彼國已即詣摧魔如來應供正等正覺所頭面著地禮佛雙足右繞七匝退住一面於是彼佛刹中有一菩薩名降伏魔見是相已白其佛言世尊今此劣弱渺有威光狀貌異常人可惡者從何所來其佛答言善男子西方去此佛刹過十二碗伽沙數等世界有一世界名曰娑婆彼佛世尊號釋迦牟尼如來應供正等正覺今現在彼大寶莊嚴道場廣大宣說大集會正法復有十方世界無量阿僧祇出過筭數諸大菩薩皆悉來集聽受正法而彼會中有一菩薩名曰海意善被不可思議大堅固鎧而能請問釋迦牟尼如來如是正法當說法時有惡魔衆至彼會中欲興難事於是海意菩薩大士置其魔衆而來至此爲欲化度作成辦故

爾時降伏魔菩薩白諸魔言我等今者與汝
諸魔同發阿耨多羅三藐三菩提心何以故
我昔亦嘗處於魔類於諸衆生種善根時而
生障難其後於此如來法中發阿耨多羅三
藐三菩提心是故今時汝等諸魔宜應速發
阿耨多羅三藐三菩提心爾時諸魔深心堅

固各發阿耨多羅三藐三菩提心既發心已
咸作是言我等已發阿耨多羅三藐三菩提
心求不復作魔之事業於是降伏魔菩薩即
命其魔同處於彼衆寶莊嚴師子之座而勸
請言善男子云何是彼釋迦牟尼如來所說
大集會正法隨汝所樂今當演說

爾時諸魔承海意菩薩威神之力所加持故
尋即處于師子之座從其口門及諸毛孔出
清淨音猶如釋迦牟尼如來所說大集會正
法如是文字如是章句一一宣說滿足無遺
於其中間亦無增減時降伏魔菩薩於其魔
所得聞如是大集會正法已生希有心白彼

卽九

佛言世尊我今欲見娑婆世界及釋迦牟尼
如來又欲見彼海意菩薩并十方世界如來
集會諸大菩薩摩訶薩衆時彼世界摧魔如
來即於眉間放大光明名曰普現一切色相
是光偏照西方去此十二碗伽沙數等諸佛
刹土乃至娑婆世界廣大明耀相續不斷彼
諸樂莊嚴世界諸菩薩衆皆見釋迦牟尼如
來在於大寶莊嚴道場之中處百千種色相
嚴飾寶師子座爲十方世界諸來集會大菩
薩衆廣大宣說大集會正法又復見此娑婆
世界大水盈滿猶如大海普觀是中悉無障
礙又見十方世界所來集會諸大菩薩各各
坐於衆寶莊嚴大蓮華上聽受正法其華縱
廣一俱盧舍而諸大士見是相已生歡喜心
適悅慶快即以妙華遇向釋迦牟尼如來散
擲供養所散之華以佛世尊威神力故悉於
釋迦牟尼如來頂上結成廣大殊妙華蓋時
此佛會一切大衆見是華蓋於佛頂上乘空

而住生希有心俱白佛言世尊今此華蓋從何所來佛言諸仁者而此華蓋是彼諸樂莊

嚴世界之中菩薩大衆遙向此會散擲妙華而伸供養而此衆會咸白佛言世尊我等樂欲見彼諸樂莊嚴世界及彼世尊摧魔如來亦欲見此所往諸魔之衆并其世界所施作

五九

五

事爾時世尊知其衆會之所樂欲即告海意菩薩言善男子今此衆會樂見諸樂莊嚴世界亦欲見彼摧魔如來汝可現之使諸大衆咸悉瞻奉於是海意菩薩承佛教勑即時於其足十指間放十千光明其光普照東方去此十二殼伽沙數等諸佛刹土乃至諸樂莊嚴世界廣大明耀相續不斷時此會中一切大衆悉見諸樂莊嚴世界及得見彼摧魔如來又見諸魔在彼佛會處于法座廣爲衆說大集會正法此會大衆見是相已生希有心各各從於蓮華座起遙向摧魔如來合掌頂禮各以妙華散擲供養所散之華以佛世尊

威神力故於彼摧魔如來頂上結成廣大妙華樓閣

爾時魔衆自彼摧魔如來言世尊我等今欲還復娑婆世界釋迦牟尼佛所彼佛告言諸善男子汝可還復今正是時於是諸魔頭面著地禮彼佛足右繞七匝以海意菩薩威神力故於彼刹中隱而不現經須臾頃還於娑婆世界到已頭面禮釋迦牟尼佛足右繞七匝退住一面攝心諦意恭敬歸向

爾時尊者舍利子告諸魔言諸仁者汝等見彼諸樂莊嚴世界不諸魔答言我等已見尊者彼土希有清淨可愛是爲清淨無垢最上所居我等見已皆發阿耨多羅三藐三菩提心尊者舍利子言諸仁者汝等已發阿耨多羅三藐三菩提心不應復作諸魔事業魔言不也尊者若有善住深固心者諸菩薩衆乃能施作諸魔事業何以故如諸菩薩善住深固心者即有力能隨其所應發起魔事以是

緣故尊者當知諸有善薩施作魔事此說即是佛之事業非魔事業

爾時諸魔於此佛刹現神變已此衆會中有二萬人發阿耨多羅三藐三菩提心於魔衆中復有一萬天子發阿耨多羅三藐三菩提心異口同音作如是言世尊我等悉願生彼

阜九

六

諸樂莊嚴世界之中作是語已於是釋迦牟

尼如來即記之曰汝等當生彼佛刹中

爾時海意菩薩復白佛言世尊諸佛如來菩提之法諸魔外道多生障難惟願世尊威神建立令此正法久住世間復於如是甚深經典攝受護持世尊若此經典得佛如來所加

持故而不隱沒受持讀誦廣大流布令諸魔衆伺不得便佛告海意菩薩言海意我今建立此之正法若有衆生欲發精進種諸善根爲作成熟化度之者當於如是甚深經典如法受持爲佗演說復次佛告海意菩薩言汝今諦聽極善作意

今爲汝說呼召四大天王祕密章句而出章句速能召集四大天王有此正法之處來爲作護亦當攝護其說法師

爾時世尊即說陀羅尼曰

怛嚩訥陀_{引一}三彌_{引二}三摩散底_三薩羅尼_四娑_{引五}囉_六嚩底_五達泥_六達那_七嚩底_八度度

彌_八度度摩底_九阿_{引十}嚩哩多_二泥_{引十一}阿_末里_{引十二}尾末里_{引十三}尾囉_{十四}嚩哩_{十五}葛葛哩_{十六}葛葛尼_{引十七}虎魯_{十八}虎魯嚩底_{十九}虎魯散

提_{二十}你哩伽_{二十一}舍薩你_{二十二}阿_{引二十三}嚩致_{二十四}尾_{二十五}摩_{引二十六}囉_{二十七}唎帝_{二十八}彌_{二十九}彌彌里_{三十}

斗尾_{三十一}戌_{三十二}提_{三十三}尾_{三十四}戌_{三十五}囉_{三十六}嚩底_{三十七}十彌彌里_{三十八}

阜九

七

六十末努_{引一}賀囉莎_{引二}賀_{引三}

海意如是祕密章句速能呼召四大天王來護持此甚深正法及能攝護其說法師又此章句能令法師善說此法如所作已諦觀四方起大慈心是時四大天王以此祕密章句所呼召故皆來攝受諸說法者

爾時四大天王現在此會即從座起前詣佛所合掌頂禮而白佛言世尊若有衆生於此最上甚深正法真實了知而能爲作如理宣說者我等四王并諸眷屬常來營衛護持正法復當攝護其說法師令無障難及無妄惱復次海意我今爲汝宣說呼召帝釋天主祕密章句而此章句速能呼召帝釋天主來護正法爾時世尊即說陀羅尼曰
 恒陀勑佗引一惹曳引惹野縛底三阿祇引摩酷哩引悉駄末底六戍毗引肩底葛哩引那禰引你八難引帝九難引多末底十恒哩葛合哩引一叉曳引二叉野目契引十阿縛

摩引囉又引達哩摩_二左引哩祓_{十四}
 海意如是祕密章句而能呼召帝釋天王有此正法之處來爲作護及能攝護其說法師而彼法師應當以此祕密章句作持誦已潔淨身心依法沐浴著新淨衣處師子座向於東方散擲妙華祈求諸佛願賜攝受於諸衆生起大悲念虔想帝釋天主哀愍故來爲我安布聽法之衆令其嚴肅復令此陀羅尼文句和合如是等事現前所作若彼法師內心清淨戒行潔白即能令其帝釋天主來爲攝受安布衆會和合文句善作加護
 爾時帝釋天主現在此會即從座起前白佛

八
冕

言如世尊勑於後末世若有法師而能受持此正法者我當往彼爲其安布衆會和合文句而作加護又此正法所在之處爲其攝受令法久住世尊又此正法於後末世我當爲彼三十三天諸天子衆常廣宣說何以故今此正法即是過去未來現在諸佛世尊菩提

吒你四尾縛吒你五波哩縛吒你六波哩砌引爾_七引十悉密哩_三底_八悉密哩_三底散提_九阿引誠蹉憍引尸迦你哩吟_二多_十引二阿蘇囉_引惹煬底禰引縛_{十一}三摩踰_引帝引阿引半努_{十二}達哩摩_二怛哩吟_二覩引囉摩引四_三莎悉爹_二野曩部引多_三引喃_引

之法佛所讚故又復我於過去未來現在諸佛世尊菩提之法起尊重已是故我當說此正法

爾時世尊讚帝釋天主言善哉善哉憍尸迦汝能作師子吼發如是言於後末世護持正法如汝所言應如是行又憍尸迦以此正法

攝受力故能令諸天隨所願求常得最勝阿脩羅衆威光退失

復次海意我今爲汝宣說攝伏諸魔天衆祕密章句而此章句速能攝伏諸魔天衆來護正法爾時世尊即說陀羅尼曰

怛鞞身陀引一設彌引設摩縛底三設彌多

設訖羅_二合_一盞_五酥_五舍_六舍_六摩_引羅_引葛_二合_一摩_引尼_二十
帝_七葛_四嚩_引膩_八枳_引踰_九帝_引野_二縛_底_十烏_路引_野你_十尾_二設_二你_二哩_二摩_合_一梨_三十_一摩_五羅_引鉢_四那_引曳_十枯_五枯_引哩_十珂_引誠_六識_十嚩_引細_七十_一誠_二薩_八泥_引十_一烏_引目_二契_九引_十鉢_引嚩_引目_二契_九引_{十一}設_二彌_引

多引你薩哩縛_二合_一誠_二嚩_合賀滿駁那_二十
你屹哩_二合_一係_引多薩哩縛_二合_一波羅鉢_二縛
引_十尾_三目訖_二合_一摩_引羅_引播_合舍_引
十四塞_二陀_二合_一必_多引_一沒_一馱母捺_二合_一引
阿_二耨_二捺_引伽_二合_一致_多引_一薩哩縛_二合_一摩_引賴_二
大蘇_六左哩_多鉢哩_成繫_一十七尾_引誠_二蹉_一覩_一薩_引

哩縛_二合_一摩_引羅_引葛哩摩_二合_一尼_二十

海意如是祕密章句而能攝伏諸魔天衆復能消除一切煩惱被說法師以此祕密章句作持誦已處于法座普觀衆會悉住道場廣運無量大慈之心當於己身起鑒王想法如藥想於聽法衆起病人想於佛如來起正士

想法眼不失起父在想如是等事以此祕密章句加持力故現前施作廣爲一切如應說法是時周而百由旬內諸魔天衆悉不能來作破壞事設復諸魔至法會者亦復不能作諸障難

爾時諸魔天衆現在此會即從座起前白佛

言世尊我今見此海意菩薩大士以威神力加持我故置我於彼諸樂莊嚴世界之中世尊我今最初已悉棄捨諸魔事業是故我等於此正法常當護持後末世中若城邑聚落若僧坊中有人宣說此正法者我當往彼離諸慢心恭敬尊重傳柱聽受

爾時世尊讚諸魔言善哉善哉汝等諸魔而能尊重如是正法最先已捨諸魔事業汝等今於如是法中有所獲得此由海意菩薩大士神力所致

復次海意我今爲汝宣說呼召娑婆界主大梵天王祕密章句而此章句速能呼召大梵

天王來法師所當爲作護

爾時世尊即說陀羅尼曰

怛嚩_切勥_切佉_切引一昧怛羅野_{二合}哥_{引哩}_{二合}葛魯擎_{引哥}_{引哩}_{三母}欄多_{引哥}_{引哩}_{四烏闌}引叉_{引哥}_{引哩}_{五設}駁_{引哥}_{引哩}_{六達哩摩}引合_{二合}哥_{引哩}_{七僧}伽_{引哥}_{引哩}_{八蘇訖}哩_{二合}

卓文

十

多尾左曳_九摩賀引尾多引泥_十你瑟波_二哩_引那祇_一十烏惹鉢底_二烏儒_{仁祖}誠彌_三十達哩摩_二那捺你_四薩爹鉢_二底瑟_蛇_引那_五烏波鉢底尾戊提_六莎唧覩_{鉢設彌}_七十咩縛_二引葛野沒囉_二賀摩_二未踰_二底瑟_蛇_{十八}合三摩_引地阿_引吠_引叉

九達哩摩_合左囉_引𦵹_二薩達哩摩_二波哩誠囉_二放訖哩_二多摩縛播_引羅野_{二十}沒駄泥帝零_二合摩_引咩縛親那_{二十}娑摩_二囉多達哩摩_合作萬囉_二鉢囉_二縛哩多_二哺_引酤_二十薩埵_引尾輸_引達哺鉢囉_二底此哩_二賀_引擎_{四十}達哩摩_合那誠囉播_引羅_引擔_{十五}沒駄_引提瑟_二合喃摩_引尾酷_引鉢野_{六十}

海意如是祕密章句而能呼召大梵天王其說法師以此祕密章句作持誦已應當依止梵行住無礙心隱密諸根善護諸念所言決定於其身業善令清淨於其語業真實攝護

善固心慧喜修忍行善淨戒蘊善發精進之力善持多聞諦喜觀想令心調暢極利慧根善修正行善護菩提心善修慈觀安立大悲普令衆生畢竟解脫一切苦惱普令衆生獲得好妙樂其說法師起是心已當處師子之座祈求大梵天王願垂攝受然後如應爲作說

畢

十一

法即時大梵天王與諸梵衆來法師所而爲護持又復海意其說法師應當覺知大梵天王至法會時有諸善相所謂一切衆會咸起慈心或復衆會諸根無缺或復互相安住菩提法中或復愛樂法及法師起尊重想或離諸染汙或專注一心離散亂意或復繫念於

諸善法或攝斂諸念止絕外聞諦意聽法或於法師所昔未曾說昔未曾聞諸妙法門聞已能說若有如是等諸相現時當知即是大梵天王來至法會

爾時大梵天王現在此會即從座起前白佛言世尊在在處處若復有人宣說如是甚深

正法者我居梵界雖有無量禪定之樂悉能棄置即當往彼說法師所爲作加護世尊加護之法有其八種何等爲八一者加護其念令彼如所聞法而不忘失二者加護其慧令彼於甚深法不相違背三者加護其行令彼於義皆悉解了四者加護辯才令彼斷諸疑惑五者加護記說令彼一切語言音聲聞者皆喜六者加護化度之法令彼超勝一切衆會七者加護現法光明令無暗鈍八者加護得出離門令其依法修證世尊我以如是八法善作加護其說法師而復我等於法師所密常營衛令法久住諸魔怨諍咸悉除滅此

等皆見如來威神之所建立令其正法廣大流布爾時海意菩薩復白佛言世尊今此正法惟願世尊威神建立使令久住於佛如來入涅槃後末世之中若有深種善根諸衆生等令得如是甚深經典受於手中或安篋笥展轉流布令不隱沒

爾時世尊受海意菩薩伸勸請已即於眉間放衆色光其光徧照此三千大千世界廣大明耀而此三千大千世界之中一切藥草樹林砂石如是種類蒙光照觸皆悉變成如來

形像所變之像皆於大寶莊嚴道場之中而爲供養以佛威神所建立故其所變化如來

阜九十二

之像即時各各異口同音作如是言世尊釋迦牟尼如來威神建立此正法故即彼十方一切如來亦以威神共所建立若彼諸佛威神建立故即彼諸魔不能作其障難世尊正使魔衆其數猶如毘耶沙等威勢增強盡其勇力畢竟不能於此正法而興難事所以者何假使大地分裂破壞一切大海而悉枯涸諸須彌山碎若微塵風可繫縛日月墜地空現色像火中得水水中得火四大種中各各異性一切衆生而同一心虛空與地二事相合假使若有如是等事而亦不能於佛如來加持力中而有少法可動可轉

爾時世尊即舉右手置於尊者阿難頂上而告之言阿難汝當受持此之正法於後末世廣宣流布令得受持讀誦演說使佛正法久住世間

爾時海意菩薩白佛言世尊見何義故乃以如是甚深正法付囑阿難苾芻而阿難者具分限智此會中有諸大菩薩念慧深廣猶如大海莫知淵際此諸菩薩不付囑耶佛言海意非彼阿難已之慧力而能受持如是正法皆由如來威神建立汝今當知於後末世有諸衆生於阿難所聽受如是甚深正法聞已信樂生大歡喜發希有心應作是言皆是如

阜九十三

來不可思議威神建立聲聞之人乃能如是受持甚深廣大經典此即如來威神加持力故時衆會中或有大人作是思念彼海意菩薩念摠持力豈有間耶何故世尊但說阿難多聞第一

爾時尊者大迦葉知衆有疑觀察大會前白

佛言世尊海意菩薩念摠持力豈有間邪何故世尊但說阿難多聞第一佛言迦葉假使碗伽沙數等佛刹土中攝聚衆生皆悉徧滿於汝意云何彼衆生界寧爲多不迦葉白佛言甚多世尊甚多善逝佛言迦葉正使如是諸衆生等無前無後一時皆得人身一一皆

具念摠持力悉與尊者阿難等無有異若以如上諸衆生等念摠持力此海意菩薩念摠持力百分不及一乃至烏波尼殺曼分亦不及一迦葉此海意菩薩能以十方諸佛世尊所說之法皆悉任持而無障礙非於一佛二佛所說之法無障礙故譬如天雨入大海中非但感受一滴二滴而無障礙乃至感受一切雨滴悉無障礙而彼大海不增不減海意菩薩亦復如是悉能任持諸佛世尊所說之法皆無障礙非於一佛二佛所說之法無障礙故而是菩薩念摠持力亦無增減說是法時會中有八千衆生發阿耨多羅三藐三菩提

提心咸作是言我等當願各得念摠持力如海意菩薩

爾時會中諸天及人各以妙華向佛世尊及海意菩薩散擲供養於是會中有一菩薩名蓮華莊嚴前白佛言世尊若善男子善女人於此甚深法門聞已信解受持讀誦如理伺

察依法修行者是人得幾數福

爾時世尊即說加陀答蓮華莊嚴菩薩曰
正使大千世界中徧滿真金用施佛聞是法藏信解時此福比前為最勝
正使大千世界中若能持讀此深經

卽九

十四

又若十千世界中滿中珍寶廣行施其福勝前不可數
若能宣說此深經廣積珍寶滿其中
正使千俱胝刹土普施諸佛世間尊修行此法勝於彼
十方碗伽沙數量寶嚴佛刹施如來此法真實修學時其福比前不可數

四種法具無邊福
發菩提心并護法
四種法具無量福
虛空界與衆生界
我此宣說正法寶
放淨光明及雨華
一切善薩大智士
聞此所說妙法門
從我得聞如是法
皆由如來所護持
千俱胝數十方佛
稱讚德海大聖尊
天龍脩羅緊那羅
梵王帝釋護世天
願釋師子久住世
勇猛善薩聖衆尊
有受持此法眼者
於彼尊重及策勤

佛亦不能說邊際
起大悲及修法行
智者聞已不生疑
菩提心及諸佛智
震動十方俱胝利
不鼓自鳴百種樂
發最勝心伸偈讚
各得善利無虛畏
衆生普獲諸善利
令菩提心無忘失
各各合掌而頂禮
善住加持釋師子
乾闥婆及夜叉等
最上正法無滅沒
護持如是深妙法
我等當往現其身
密護令其無衰懈

爾時世尊告海意菩薩言海意今此正法是
大法眼是妙法印是勝法幢決定擇諸法分別
諸法而彼過去未來現在諸佛世尊皆說是
法海意我先已說汝等應當尊重恭敬發大
堅固如理修行

佛說此經已海意菩薩等諸大菩薩摩訶薩
衆及諸世間天人阿脩羅乾闥婆等一切大
會聞佛所說皆大歡喜信受奉行

十五

海意菩薩所問淨印法門經卷第十八

十九

悚豎上息房反下音樹妙一少也喻人者燭洋燭波

奴版盞高浪

放火郎

捨音簷俗

薩音箭苦惱

反下相

涸音鵠池

水也

晏徒舍

反烏波尼殺

一分如以

地數